

亭堂。為架閣庫後為經歷司廨東為同知署西為刑廳署後為照磨司廨儀門前中為鼓樓樓東為土地祠祠前為寅賓館樓西為司獄司廨司前為獄獄前為羈候所大門外有坊中曰海北雄藩東曰承流西曰宣化又東為申明亭西為旌善亭俱嘉靖二十四年知府胡鰲建尋廢清康熙四年知府陳良玉改串堂為二堂大堂東為架閣庫修儀門大門坊曰還珠古郡丁一年知府徐化民重修鼓樓五間東西鼓吹亭各一乾隆六年縣准都覆勳項修葺四十一年知府康基田建儀堂增高頭門嘉慶二十三年知府何天衢重修。

試院 在府治東舊為布政分司館明洪武二年同知鄒源建正統六年知府朱勤止德十年知府向錦先後修葺嘉靖三十二年知府何御重修萬歷四十五年副使李守俊改為海北道署清康熙二十三年知府董紹業改為試院照壁東西轅門鼓吹亭大門儀門大堂後廨清乾隆丁酉年合浦知縣呂崇素捐修後宅二門並左右廡房廚舍嘉慶七年知府常松率閩郡紳士捐增號舍右割舊縣署地左接縣倉後地各增建六楹室西北建三楹統計新舊二十五楹坐號一千五百零十每號廣尺有五寸號几坐次皆用石勒碑試院頭門道光十年合浦令劉忠瀚代理欽州牧陸長青靈山令孟繼亨同修

同治開十修一次光緒三十三年改鈔庫注正

學堂

廉防同知署 即按察分司舊館與知府同城嗣移永安山遷防城乾隆十二年移駐龍門島尋圯基址現存復移府治東又圯道光十三年缺奉督撫奏裁

府學教授署 在學宮左明倫堂後乾隆五十八年教授鍾仲裕重修嘉慶十四年教授陳司燿修葺府訓導署 在教授署東乾隆五十八年訓導黃拱瀛重修道光六年訓導鍾逢祐重建治堂

廳歷司署 在府治西舊在架閣庫後康熙四年經歷林有聲遷建於鼓樓西隙地二十九年缺裁雍正七年復經歷潘珍移建於府治之南嘉慶丁酉年經歷何榕復建於府治之西

白石場鹽大使署 舊在府治南九十里株洪村後遷城內縣署前乾隆丁八年大使黃藻修向有白沙場官寨丹泥場西五十六年

大使黃元鳳嘉慶八年大使范光復相繼修葺道光八年大使劉頤壽重修

府司獄司署 舊在府署西

府儲倉大使署 在府治西

庫 在大堂左

康州營遊擊署 在城內東門制中為大堂為川堂為住宅外為鼓吹亭為儀門為大門舊乃康州鎮兵官署康熙二十三年裁

鎮改建遊擊署乾隆十二年遊擊孫爾桂嘉慶九年遊擊毛三超相繼重修道光六年遊擊冉玉龍重修大堂串堂儀門頭門

東西鼓吹亭照牆

康營中軍守備署 在府治東

軍裝庫 在縣署前

火藥局 在守備署後

會浦縣署 舊在府治東制中為大堂後為川堂左為庫前為儀門大堂儀門更為土地祠前為寅賓館儀門西為獄堂東為縣

丞署又前為典史署堂西為主簿署康熙十一年知縣游名柱重修大堂川堂大門儀門二十二年知縣楊昶重建樓一座

額曰八尺樓修大堂儀門土地祠並兩廊倉庫扁大堂曰節愛堂四十八年知縣連圻於大堂捲簾建西廳乾隆七年奉裁高

康運判署改為縣署以舊縣署改為典史廨嘉慶二年知縣戴錫綸詳遷縣署於舊地即今縣治以運判署為典史署

縣丞署 舊在縣治之康熙二十四年縣丞張景銓建雍正元年移駐縣東永安城距縣一百八十里西南抵海東抵石城北抵

博白界聯三縣

教諭訓導署 嘉靖十五年知府張岳遷縣學宮於城南門外中屯學署在明倫堂前得明末傾圮清復遷於府學宮西乾隆五十七年教諭陳殿元訓導喻照重修道光十一年訓導葉軒重修訓導署十二年教諭邱仁麟訓導葉軒建縣學明倫堂典史署 舊在縣前康熙二十三年建於道署前乾隆七年改移縣舊署嘉慶二年遷縣署於舊治以道運判署為典史署 清季

遷城內大北街

高仰巡檢署 舊在縣治北一百二十里馬欄墟今移張黃墟距縣一百五十里東至廣西太平墟以河為界西至靈山武利墟以河為界

珠場巡檢署 在縣治東南八十里白龍寨稽察沿海八寨地方

永平巡檢署 在縣治北三百里寨墟即永平村 興貴六 橫接界 先被寇殘毀康熙二十年巡檢黃道泰建

演武場 在東門外

右採錄府志

廢太平軍 宋置在州西三十五里龍門鎮 輿地紀勝

海門鎮 在今治西南三十五里太平興國八年廢州改置太平軍於海門鎮咸平初復置廉州於廣江東岸即今治也

方輿紀要參訂

察院行署 在府治南 歷通志

布政分司行署 在府治東明萬歷間改為海北道署 即今試院

按察分司行署 在府治西

海北道廢行署 在府治前

理刑推官廢署 在府治西

大廳公館 在大康山

海門公館 在府治東二百八十里明嘉靖六年建

那思公館 在府治東二百里方輿紀要作三百里明正德間建

已上府志列入古蹟今以與名勝無關移置此

鎮署 郡城東門內原為游擊署舊址築於清光緒二十一年初為總兵王孝祺所建九楹相接氣象崇闕為全邑衙署之冠

署傍東城上常設閘以杜遊人窺伺其莊嚴若此民國初元大藥局災有人移其材物別用署遂圯

游擊署 在東門直街建於光緒二十一年氣象頗宏敞民國初元署廢

守備署 在大東門北於清光緒二十一年民國初元署廢

都司署 在郡城內試院右旁建於光緒二十一年後改為巡警署民國三年改為台浦縣署

初級地方檢察廳及審判廳 在北海商埠清宣統元年建廳署相連頗為雄麗

合習藝所 在郡城內試院左旁清宣統元年知縣沈瑞忠建以借苦工犯人學習藤織物及捆屨索綯罪人利之民國初元改為監獄而習

舊者口少矣

右新輯

### 倉儲

釋名倉藏穀物也說文倉穀藏也倉皇取而藏之故謂之倉蓋以天災流行何國蔑有平時儲積一遇水旱何從救濟故

有常平倉等名目皆官紳預備之計也

府廣儲倉 在署西明洪武二年知府脫因嘉靖二十三年知府何御清康熙五十四年知府施世驥相繼修計三十六廠口額

貯穀一萬八千零八十石八斗三升嗣於清乾隆三十四年奉文改歸合濟廳經理

存留倉 在白龍寨舊珠廠明嘉靖十五年知府陳健為有司安南創建久裁

縣常平倉 在縣署西清康熙二十九年建有上下二處計二十四廠口額貯穀二萬一千三百六十五石六斗

永安倉 在永安城久廢

鹽義倉 乾隆二十年奉貯穀接濟灶丁

多顏村義倉

公館墟義倉

西場墟義倉 知府周碩勳建

社倉

石康墟社倉 在縣治東北二百四十里貯穀六百五十六石九斗一升九合三勺

張黃社倉 在縣治東北百五十里張黃墟貯穀五百二十八石六斗一升三合二勺

寨墟社倉 在縣治東北五百六十里貯穀八百二十一石七斗五升九合二勺

福旺社倉 在縣治東北二百四十里貯穀四百六十九石一斗四升

株蘭社倉 在縣治東南一百里貯穀五百零二石一斗

山口墟社倉 永平司社倉

古里墟社倉 龍潭墟社倉

川江墟社倉 武刀墟社倉

小江墟社倉

隴村墟社倉

珠場墟社倉

# 善堂

邑中舊有慈善事業勸種範圍不廣無救養兼施之德惟創始之人實具苦心未可湮沒用錄之以彰美德

縣育嬰堂 清乾隆元年前合浦令鹿謙吉詳撥都作役官田逐年租銀三十石為乳母口糧十六年春適堂內偶無嬰兒署府

篆雷州司馬楊枝華以無嬰兒可養將祖息詳解完分所遺遺與慈文聖門青雲橋左今已毀

養濟院 在東墟龍津橋左廉郡向無養濟院孤貧露宿乾隆十九年合浦令廖佑齡於東門外創建正房六間兩廂房各八間以資棲止除正支孤貧口糧外又將常樂墟官房基一百二十三間逐年租錢一十四千九百三十文年底散給為幫補衣布之需如房屋塌漏即於房租內撥節修理毋任日久損壞致工程浩大難於補葺知府周碩勳有碑詳藝文嘉慶二十四年知府何天衢重修道光十一年知府張育（士旁）春重修

貧生田 官牆中有不自立之人或年邁學荒並無尺土寸椽或啼餓號寒亦無親屬倚靠此種貧生竟不得齒於士民之數論其人本無足惜然一士顛連固多士之差亦良吏之責也合浦平樂七冬有絕甲葉維春尸載五則額米三石一斗五升內現米六斗九升坐落九座嶺三江口二處因族豪爭佔清乾隆二十年經知縣廖佑齡查出詳明將三江口田租撥入多蕉渡外其九座嶺計田一百五十五坵積稅六十六畝零二分一釐五毫六絲二忽四微九合歲收民斗穀三十石折錢二千一百文逐年糧銀二兩九錢四分一釐本巴米三升六合連耗共除錢三千二百文尚存錢一十七千八百文由印官徵收拯卹先期委學中有品行優生二人秉公查閱姓名約以十六人為率呈縣核實贖底數給嗚呼王政首矜無告前項貧生乃不在王政可矜之列士不幸而貧至此可哀也已般鑿具在有志之士真亦可奮然興矣清嘉慶初合邑報貧生止黃某一人書已身故此項存署無着五年合浦知縣劉芳創修許真君廟詳登九座嶺寺田給首士經理并給廟祝工食餘存為修葺之費

右採錄府志

普濟院 在城南東城為收養瞽者之所

普安祠 在城內為安置無嗣神主之所

善育堂 在城內光緒間邑紳李懷本王乃賓捐資倡建

因利局 在城內光緒三十三年知府高觀昌倡設

右新輯

坊表

四牌樓 在府治東門內東題歷代名宦西題歷代鄉賢南題歷代科甲北題歷代孝義今圮

恩榮石坊 在通天樓西為進士包義氏子舉人包廣包慶建今圮

興賢里石坊 在府治東武廟左為進士耿寬建

登雲坊 在府治東門外為解元黃誠建今圮

進士坊 在府治南為進士鍾振建今圮

諫垣坊 在府治南為進士給事中林榮建今圮

貞節坊 在縣治前為節婦王氏建今圮

貞節坊 在北關為龐玉振妻范氏建

貞節坊 在城外璣屯坊為王獻廷妻熊氏建今圮

珠官古郡坊 在東門外街民墟口

百歲坊 城西顧屋江清乾隆十九年為耆民顧登位建

孟嘗流風坊 在武廟右清乾隆四十年知府康基田建

參議坊 在武廟左清乾隆四十一年為進士裴東建

參政坊 在武廟左清乾隆四十一年為進士韓珠建

甲科濟美坊 在武廟左清乾隆四十一年為進士包義民子舉人包廣包康建

觀察坊 在武廟左清乾隆四十一年為進士舒振建

青雲坊 在文明門內清乾隆四十一年知府康基田建

一門節孝坊 在城北二百里清道光七年為吳懷魯妻朱氏媳區氏建

大平坊 在府城北街士民捐建

登龍坊 在海門書院前知府朱奎（木旁）建

貞節坊 在塘背村為陳相度妻徐氏建

金肅門坊 在西門外十字街

右採錄府志

貞節坊 在城外北關坊清咸豐五年十二月為李琮香妻劉氏建

急公興學坊 在城西金鷄嶺通衢清宣統三年為廣西候補道王乃賓建

右新輯

## 墟市



今按經傳所載祇言市不言墟。戰國策孟嘗君謂市朝則滿夕則虛。虛古墟字。與葉石洞古聖人日中爲市聚則盈散則虛之言同。今北謂之集從聚也。南謂之墟從散也。范成大詩云墟市稍來集。此墟市所由昉歟。

公館墟 在城東百二十里

白沙墟 在城東百六十里

山口墟 在城東二百里

永安墟 在城東二百三十里

乾體市 在城南十八里

西場墟 在城西八十里

石康墟 在城北四十里

常樂墟 在城北八十里

舊州墟 在城北九十里

石埭墟 在城北百十里

張黃墟 在城北百二十里

龍門墟 在城北百七十里

北塞墟 在城北二百里

小江城 在城北二百一十里

三合墟 在城北三百二十里

福旺墟 在城北二百五十里

寨墟 在城北三百二十里

樂民墟 在城北四百里

古衛民墟 在城東一里前慶清乾隆四十年知府康基田以形家言城東不可空寂率民築廛舍二百餘間以招徠商賈

烏家墟 在城西北六十里

安石墟 在城北百五十里

福成墟 在城東南四十里

白石水墟 在城北百五十里

上洋墟 在城西北二十里

北海市 在城南八十里

石埗新墟 在城北百一十里

小江新墟 在城北二百二十里

南康墟 在城東七十里

閘口墟 在城東一百里

沙岡墟 在城西四十里

土狗墟 在城北三百八十里

六良(石旁)墟 在城東北四百一十五里